

FYS3150 Computational Physics 2014

Oblig 1

Løysning av lineære likningar på matrisform.

Øyvind Sigmundson Schøyen

7. september 2014

Innhold

| | | |
|----------|---|----------|
| 1 | Introduksjon | 3 |
| 2 | Omforming av differensiallikning til ei matriselikning | 3 |
| 2.1 | Utleiing av eksakt løysning | 4 |
| 3 | Algoritma | 4 |
| 3.1 | Dekomponering | 4 |
| 3.2 | Forward Substitution | 5 |
| 3.3 | Backward Substitution | 6 |
| 3.4 | Antal FLOPS | 6 |
| 3.5 | Køyretid | 6 |
| 4 | Programma | 7 |
| 4.1 | Plotter.py | 7 |
| 4.2 | Project1.cpp | 7 |
| 5 | Resultat | 8 |
| 5.1 | Plott over løysningar | 9 |
| 5.2 | Feilestimat | 11 |

1 Introduksjon

I dette prosjektet har me tatt for oss ein ein-dimensjonal Poisson likning med Dirichlet randpunkt. Me vil simulere ein numerisk løysning på ein andre-ordens differensiallikning. Måten me vil gjer dette på er ved å omforme settet med lineære likningar til ei matriselikning. Då kan me bruke radoperasjonar til å lage ein algoritme som gjer det mogleg for oss å løyse likningssettet. Denne matriselikninga vil gje oss ei tridiagonalmatrise A som stort sett består av nullar. Hensikta er då å sjå at me kan kaste"alle nullane og kun behalde elementa frå diagonalane. Me vil representere desse som vektorar for å bruke minst mogleg plass. Dette vil og gjere det mogleg for oss å kunne utføre fleire iterasjonar. Ein vanleg PC vil ikkje kunne klare å representere ein stort større matrise enn 1000×1000 . Dette fordi han ikkje har stort nok minne. Viss me derimot bruker vektorar vil me kunne ha ei "matrise"(tre vektorar) som er mykje større. I tillegg vil radreduksjonen gå fleirfoldige mange gonger kjappare. Alt av programkode ligg på <https://github.com/Schoyen/FYS3150/tree/master/Oblig1>.

2 Omforming av differensiallikning til ei matriselikning

Me er interesserte i å forme om uttrykket for tilnærminga til den andrederiverte. Me startar med å fjerne brøken. Då får me

$$-\frac{v_{i+1} + v_{i-1} - 2v_i}{h^2} = f_i \quad \Rightarrow \quad -v_{i+1} + v_{i-1} - 2v_i = h^2 f_i = \tilde{b}_i, \quad \forall i \in [1, n].$$

Me er no interesserte i å skrive dette om til vektorar og ei matrise. Me kan då skrive det som

$$\begin{aligned}(2, -1) \cdot (v_1, v_2) &= \tilde{b}_1, \\ (-1, 2, -1) \cdot (v_1, v_2, v_3) &= \tilde{b}_2, \\ (-1, 2, -1) \cdot (v_2, v_3, v_4) &= \tilde{b}_3, \\ &\dots \\ (-1, 2, -1) \cdot (-v_{i+1}, -v_{i-1}, v_i) &= \tilde{b}_i, \\ &\dots \\ (-1, 2) \cdot (v_{n-1}, v_n) &= \tilde{b}_n.\end{aligned}$$

Det kjem fram frå dette uttrykket at koeffisientane står i ro. Viss me no setter koeffisientane i ei matrise vil me kun trenge ein vektor \mathbf{v} beståande av alle v_i , $\forall i \in [1, n]$ kor dei vil få dei rette koeffisientane i eit matriseprodukt.

Me setter opp matriselikninga.

$$A\mathbf{v} = \begin{pmatrix} 2 & -1 & 0 & \dots & \dots & 0 \\ -1 & 2 & -1 & 0 & \dots & \dots \\ 0 & -1 & 2 & -1 & 0 & \dots \\ \dots & \dots & \dots & \dots & \dots & \dots \\ 0 & \dots & \dots & -1 & 2 & -1 \\ 0 & \dots & \dots & 0 & -1 & 2 \end{pmatrix} \begin{pmatrix} v_1 \\ v_2 \\ v_3 \\ \dots \\ v_{n-1} \\ v_n \end{pmatrix} = \begin{pmatrix} \tilde{b}_1 \\ \tilde{b}_2 \\ \tilde{b}_3 \\ \dots \\ \tilde{b}_{n-1} \\ \tilde{b}_n \end{pmatrix} = \tilde{\mathbf{b}}$$

Eit matriseprodukt av dette uttrykket vil gje oss

$$\begin{aligned} 2v_1 - v_2 &= \tilde{b}_1 \\ -v_1 + 2v_2 - v_3 &= \tilde{b}_2 \\ \dots & \\ -v_{i-1} + 2v_i - v_{i+1} &= \tilde{b}_i \\ \dots & \\ -v_{n-2} + 2v_{n-1} - v_n &= \tilde{b}_{n-1} \\ -v_{n-1} + 2v_n &= \tilde{b}_n. \end{aligned}$$

Dette fordi koeffisientane er omringa av nullar som automatisk vil fjerne resten av ledda frå \mathbf{v} .

2.1 Utleiing av eksakt løysning

For å sjå at den eksakte løysninga er riktig treng me berre å derivere uttrykket to gonger for å sjå at det vert det same som uttrykket til f .

$$\begin{aligned} u(x) &= 1 - x - xe^{-10} - e^{-10x}, \\ \frac{du(x)}{dx} &= -1 - e^{-10} + 10e^{-10x}, \\ \frac{d^2u(x)}{dx^2} &= -100e^{-10x} = f(x). \end{aligned}$$

3 Algoritma

For å løyse ei matriselikning bruker me radoperasjonar på matrisa. Desse vil igjen bli utførde på løysningsvektoren (her kalla $\tilde{\mathbf{b}}$). Målet med likninga er å omforme matrisa til ei spesiell øvre- og nedrematrise som me kan løyse.

3.1 Dekomponering

I den fyrste matrisa vil me fjerne alle verdier over diagonalen slik at me står igjen med λ_i og a_i , $\forall i \in [1, n]$. I den andre vil me einarar på diagonalen og γ_i , $\forall i \in [1, n-1]$ over.

$$A = \begin{pmatrix} b_1 & c_1 & \dots & \dots & \dots & \dots \\ a_2 & b_2 & c_2 & \dots & \dots & \dots \\ \dots & a_3 & b_3 & c_3 & \dots & \dots \\ \dots & \dots & \dots & \dots & \dots & \dots \\ \dots & \dots & \dots & a_{n-1} & b_{n-1} & c_{n-1} \\ \dots & \dots & \dots & \dots & a_n & b_n \end{pmatrix} =$$

$$LU = \begin{pmatrix} \lambda_1 & \dots & \dots & \dots & \dots & \dots \\ a_2 & \lambda_2 & \dots & \dots & \dots & \dots \\ \dots & a_3 & \lambda_3 & \dots & \dots & \dots \\ \dots & \dots & \dots & \dots & \dots & \dots \\ \dots & \dots & \dots & a_{n-1} & \lambda_{n-1} & \dots \\ \dots & \dots & \dots & \dots & a_n & \lambda_n \end{pmatrix} \begin{pmatrix} 1 & \gamma_1 & \dots & \dots & \dots & \dots \\ \dots & 1 & \lambda_2 & \dots & \dots & \dots \\ \dots & \dots & 1 & \gamma_3 & \dots & \dots \\ \dots & \dots & \dots & \dots & \dots & \dots \\ \dots & \dots & \dots & \dots & 1 & \gamma_{n-1} \\ \dots & \dots & \dots & \dots & \dots & 1 \end{pmatrix}.$$

Multiplikasjon av matrisene LU vil gi oss A . Me bruker dette til å finne eit uttrykk for γ_i , $\forall i \in [1, n-1]$ og λ_i , $\forall i \in [1, n]$. Det vil gi oss

$$\begin{aligned} \lambda_1 &= b_1, & \gamma_1 &= \frac{c_1}{\lambda_1}, \\ \lambda_2 &= b_2 - a_2\gamma_1, & \gamma_2 &= \frac{c_2}{\lambda_2} \\ &\dots & & \\ \lambda_i &= b_i - a_i\gamma_{i-1}, & \gamma_i &= \frac{c_i}{\lambda_i}, \\ &\dots & & \\ \lambda_n &= b_n - a_n\gamma_{n-1}, & \gamma_n &= \frac{c_n}{\lambda_n}. \end{aligned}$$

3.2 Forward Substitution

No gjenstår det å løyse likningane $L\mathbf{y} = \tilde{\mathbf{b}}$ og $U\mathbf{v} = \mathbf{y}$. I programmet vil dette bli gjort litt annleis. Der vil me løyse $L\mathbf{v} = \tilde{\mathbf{b}}$ og $U\mathbf{v} = \mathbf{y}$. Dette for å spare plass i minnet, men det kjem me til. Likninga $L\mathbf{y} = \tilde{\mathbf{b}}$ vil gi oss likningssetta under.

$$\begin{array}{rcl}
\lambda_1 y_1 = \tilde{b}_1 & \Rightarrow & y_1 = \frac{\tilde{b}_1}{\lambda_1}, \\
a_2 y_1 + \lambda_2 y_2 = \tilde{b}_2 & \Rightarrow & y_2 = \frac{\tilde{b}_2 - a_2 y_1}{\lambda_2}, \\
& \dots & \\
a_i y_{i-1} + \lambda_i y_i = \tilde{b}_i & \Rightarrow & y_i = \frac{\tilde{b}_i - a_i y_{i-1}}{\lambda_i}, \\
& \dots & \\
a_n y_{n-1} + \lambda_n y_n = \tilde{b}_n & \Rightarrow & y_n = \frac{\tilde{b}_n - a_n y_{n-1}}{\lambda_n}.
\end{array}$$

3.3 Backward Substitution

Til slutt bruker me backward substitution til å finne den endelege løysninga. Me må då løyse likninga $U\mathbf{v} = \mathbf{y}$. Denne likninga må me løyse baklengs. Me får

$$\begin{array}{rcl}
& v_n = y_n, & \\
v_{n-1} + \gamma_{n-1} v_n = y_{n-1} & \Rightarrow & v_{n-1} = y_{n-1} - \gamma_{n-1} v_n, \\
& \dots & \\
v_i + \gamma_i v_{i+1} = y_i & \Rightarrow & v_i = y_i - \gamma_i v_{i+1}, \\
& \dots & \\
v_1 + \gamma_1 v_2 = y_1 & \Rightarrow & v_1 = y_1 - \gamma_1 v_2.
\end{array}$$

3.4 Antal FLOPS

For å finne ut kor mange flyttalsoperasjonar (FLOPS) me treng kan me telje kor mange aritmetiske operasjonar me gjer per iterasjon. I løkka (eg har ikkje rekna med startverdiar og dei fyrste operasjonane utanfor løkka) har me 6 FLOPS i Forward Substitutionen (eg har her rekna divisjon som ein FLOP) medan me i Backward Substitutionen har 2 FLOPS. Det gjer oss 8 FLOPS per iterasjon og totalt $8n$ FLOPS, kor n er antal iterasjonar.

3.5 Køyretid

Idet ein køyrer programmet `Plotter.py` vil me få ut køyretidene (tida er kun tatt frå for-løkka i programmet).

```

Duration of Gaussian Elimination with n = 10: 107000ns
Duration of Gaussian Elimination with n = 100: 1146000ns

```

```

Duration of Gaussian Elimination with n = 1000: 332022000ns
Duration of TDMA with n = 10: 2000ns
Duration of TDMA with n = 100: 7000ns
Duration of TDMA with n = 1000: 60000ns
Duration of TDMA with n = 10000: 923000ns
Duration of TDMA with n = 100000: 6917000ns
Duration of TDMA with n = 1000000: 59471000ns

```

Desse køyretidene vil variere veldig med dagsformen til pc'en som kører programmet samt pc'en i seg sjølv. Hovudpoenget er å sjå skjelnaden på dei to algoritmane. Køyretiden er gjeve ved $\mathcal{O}(8n)$.

4 Programma

Alle algoritmar og tung utrekning vert gjennomført i C++. Programmet skriv ut resultata til fil, kor desse vert henta av eit program i Python som plottar resultata. Sjølve køyringa av programmet vert styrt i Python. Ein treng difor kun å køyre programmet `Plotter.py` for å få ut all informasjon.

4.1 Plotter.py

Python-programmet står for sjølve gjennomføringa av heile prosjektet. Eit kall på programmet kører C++ programmet for forskjellige verdier av n samt dei forskjellige metodane. C++ skriv ut resultata til filer som Python tar imot. Python les verdiana og lagrar dei i arrays i klassa `Plotter`. Desse vert deretter plotta.

4.2 Project1.cpp

C++-programmet tek imot n -verdier og kva løysningsmetode som skal nyttast frå kommandolinja. Algoritmane vert implementerte i eigne funksjonar.

comment: Startverdier for TDMA-algoritma

$$\lambda_1 = b_1$$

$$v_1 = \frac{\tilde{b}_1}{\lambda_1}$$

$$\gamma_1 = \frac{c_1}{\lambda_1}$$

comment: Forward sweep

for $i = 2$ to $i < n + 1$ step 1

$$\lambda_i = b_i - \gamma_i a_i$$

$$\gamma_i = \frac{c_i}{\lambda_i}$$

$$v_i = \frac{\tilde{b}_i - a_i v_{i-1}}{\lambda_i}$$

od

comment: Backward sweep

```

for  $i = n$  to  $i > 0$  step  $-1$ 
     $v_i = \gamma_i v_{i+1} - v_i$ 
od

```


```

comment: Startverdiar for LU-algoritma frå Armadillo-biblioteket
lu( $L, U, P, A$ )
comment: Forward sweep
for  $i = 1$  to  $i < n + 1$  step 1
     $y_i = \tilde{b}_i$ 
    for  $j = 1$  to  $j < i$  step 1
         $y_i = L_{i-1,j-1} y_j - y_i$ 
    od
     $y_i = \frac{L_{i-1,i-1}}{y_i}$ 
od
comment: Backward sweep
for  $i = n$  to  $i > 0$  step  $-1$ 
     $v_i = y_i$ 
    for  $j = i + 1$  to  $j < n + 1$  step 1
         $v_i = U_{i-1,j-1} v_j - v_i$ 
    od
     $v_i = \frac{U_{i-1,i-1}}{v_i}$ 
od

```


5 Resultat

Metoden som vert nytta til å løyse likningssettet er veldig sterk. Allerede for $n = 100$ vil den numeriske løysninga ligge heilt på den eksakte løysninga.



Figur 2: TDMA for $n = 10$


5.1 Plott over løysningar




Figur 1: LU for $n = 10$

Me kan sjå at løysninga for $n = 10$ er langt i frå eksakt foreløpig.


Dei resterande plotta vil bli heilt like då den numeriske løysninga ligg



Figur 3: LU for $n = 100$



Figur 4: TDMA for $n = 100$



Figur 5: Feilestimat

heilt på den eksakte løysninga.

5.2 Feilestimat

Grafen til feilestimatet gjer oss ein tilnærma lineær nedgang. For $n = 1000000$ derimot skjer det noko underleg. Plutselig stig feilen igjen.

Dette skjer fordi numerisk avrunding slår inn. PC'en klarer berre å håndtere eit visst antal signifikante tal. Når talet overskrid denne grensa vil numerisk avrunding slå inn og feilen vil stige.

| Antal iterasjoner | Feil |
|-------------------|----------|
| 10 | -1.1797 |
| 100 | -3.08804 |
| 1000 | -5.08005 |
| 10000 | -7.07928 |
| 100000 | -8.83751 |
| 1e+06 | -6.07526 |

Det siste leddet viser korleis feilen vil stige etterkvart som me auker antal iterasjoner.